



Broj: 1936/23

Datum: 28.09.2023. godine

Na osnovu člana 64. stav (1) tačka b), člana 70. stav (1), (2), (3) i (6), člana 25., člana 32., člana 98. stav (2) Zakona o javnim nabavkama Bosne i Hercegovine („Službeni Glasnik BiH“ br. 39/14 i br. 59/22), Pravilnika o javnim nabavkama roba, usluga i radova br. 2448/22 od 30.12.2022.godine i br. 481/23 od 17.03.2023. godine, Statuta JP „LOKOM“ d.o.o. Sarajevo (Službene novine KS br. 15/13, br. 47/14, br. 29/18 i br. 3/22), Zapisnika o pregledu i ocjeni ponuda br. 1913/23 od 27.09.2023. godine, Direktor **d o n o s i**

## **O D L U K U** **o izboru najpovoljnijeg ponuđača** **LOT 1**

- I. Prihvata se ponuda prvorangiranog ponuđača GRAFIKON d.o.o. sa sjedištem u Sarajevu, Grbavička br. 30, broj: 485/23 od 18.09.2023. godine za nabavku roba: Nabavka i sukcesivna isporuka elektromaterijala, vodomaterijala, građevinskog i ostalog materijala za potrebe JP „LOKOM“ d.o.o. Sarajevo – LOT 1 - Nabavka elektromaterijala, putem otvorenog postupka, u ukupnom iznosu od 32.520,00 KM bez PDV-a, odnosno 38.048,40 KM sa PDV-om.
- II. Izabrani ponuđač se oslobađa naknadnog dostavljanja dokumentacije tražene tačkom 3.1.3 tenderske dokumentacije koja se odnosi na član 45. stav (2) Zakona o javnim nabavkama, obzirom da su iste dostavljene uz ponudu u skladu sa zahtjevima iz tenderske dokumentacije
- III. Za izvršenje ove Odluke zadužuje se Služba za ekonomsko finansijske poslove, marketing i pravne poslove u Sektoru za zajedničke poslove.
- IV. Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.
- V. Protiv ove Odluke dozvoljena je žalba u roku od 10 (deset) dana od dana prijema iste, a koja odlaže izvršenje.

### **O b r a z l o ž e n j e**

Postupak za javnu nabavku roba - Nabavka i sukcesivna isporuka elektromaterijala, vodomaterijala, građevinskog i ostalog materijala za potrebe JP „LOKOM“ d.o.o. Sarajevo, putem otvorenog postupka, pokrenut je Odlukom o pokretanju postupka javne nabavke br. 1709/23 od 28.08.2023. godine.

U skladu sa članom 14a. Zakona o javnim nabavkama, prije pokretanja predmetnog postupka javne nabavke ugovorni organ je proveo provjeru tržišta u svrhu pripreme nabavke i informisanja privrednih subjekata u vezi sa nabavkom, o čemu je sačinjena pisana zabilješka o svim radnjama i postupcima i uložena u predmet spisa.

U skladu sa članom 16. Zakona o javnim nabavkama s ciljem da se osigura maksimalna konkurencija predmetni postupak javne nabavke je podijeljen na lotove prema sličnosti,



homogenosti i pripadnosti istoj skupini, odnosno na 5 (pet) lotova, na način da se ponuđačima omogućava da dostave ponude za jedan lot ili više lotova li sve lotove, i to: LOT 1 - Nabavka elektromaterijala, LOT 2 - Nabavka vodomaterijala, LOT 3 - Nabavka potrošnog materijala, LOT 4 - Nabavka građevinskog materijala i LOT 5 - Nabavka betona.

Ukupna procijenjena vrijednost javne nabavke iznosi 240.000,00 KM bez PDV-a. Procijenjena vrijednost javne nabavke za LOT 1 iznosi do 33.357,00KM bez PDV-a. Za ovaj postupak javne nabavke predviđeno je zaključenje okvirnog sporazuma na period od 1 (jedne) godine.

Obavještenje o nabavci i tenderska dokumentacija su objavljeni na Portalu javnih nabavki dana 30.08.2023. godine u 14:10 sati pod brojem: 269-1-1-106-3-39/23, a sažetak Obavještenja o nabavci objavljen je u „Službenom glasniku BiH“ br. 60/2023 dana: 01.09.2023. godina, u skladu sa odredbama člana 11. stav 8. u vezi sa članom 6. stav 3. i stav 4. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" broj 80/22). Kriterij za dodjelu ugovora je najniža cijena. U postupku je predviđena primjena e-aukcije.

Na osnovu člana 53. stav (6) Zakona o javnim nabavkama („Službeni glasnik BiH“, br. 39/14 i br. 59/22), člana 8. stav (7) i člana 6. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" broj 80/22) Ugovorni organ je izvršio izmjenu tenderske dokumentacije, te objavio novi dokument na Portalu dana 07.09.2023. godine u 14:55 sati pod brojem: 269-1-1-106-8-41/23, a sažetak Ispravke za obavještenje o nabavci objavljen je u „Službenom glasniku BiH“ br. 63/2023 dana: 15.09.2023. godine.

Prema Izvještaju o preuzimanju tenderske dokumentacije od strane ponuđača tendersku dokumentaciju je preuzelo 15 (petnaest) potencijalnih ponuđača, a ispravku tenderske dokumentacije je preuzelo 11 (jedanaest) potencijalnih ponuđača s Portala javnih nabavki zaključno s krajnjim datumom za preuzimanje tenderske dokumentacije.

U određenom krajnjem roku za dostavu ponuda (20.09.2023. godine do 10:00h) blagovremeno su dostavljene 3 (tri) ponude, i to ponuda ponuđača: TRANZIT ELEKTRO d.o.o. Zenica sa sjedištem u Zenici na adresi Zmaja od Bosne bb - Poslovna zona I, 72000 Zenica koja je zaprimljena kod Ugovornog organa dana 20.09.2023. godine u 08:00 sati; KMS d.o.o. sa sjedištem u Sarajevu na adresi Tvornička br. 3, 71000 Sarajevo koja je zaprimljena kod Ugovornog organa dana 20.09.2023. godine u 08:40 sati; GRAFIKON d.o.o. sa sjedištem u Sarajevu na adresi Grbavička br. 30, 71000 Sarajevo koja je zaprimljena kod Ugovornog organa dana 20.09.2023. godine u 09:10 sati.

Komisija imenovana Odlukom direktora za provođenje predmetnog postupka javne nabavke je blagovremeno i pravilno izvršila javno otvaranje ponuda dana 20.09.2023. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova i sačinila Zapisnik o otvaranju ponuda koji je uz Zapisnik o zaprimanju ponuda odmah prosljeđen ponuđačima koji su učestvovali u predmetnom postupku javne nabavke u skladu sa tačkom 5.12 predmetne tenderske dokumentacije, koja reguliše način komunikacije između Ugovornog organa i ponuđača. Na javnom otvaranju ponuda nije bilo prisutnih ponuđača.

Zapisnikom o otvaranju ponuda konstatovano je da su ponude uredno zatvorene, te da su ponuđene cijene, kako slijedi: TRANZIT ELEKTRO d.o.o. Zenica u iznosu od 33.357,00 KM



bez PDV-a; KMS d.o.o. u iznosu od 33.330,00 KM bez PDV-a i GRAFIKON d.o.o. u iznosu od 33.331,80 KM bez PDV-a.

Nakon javnog otvaranja ponuda Komisija Ugovornog organa je pristupila pregledu i ocjeni ponuda, te o tome sačinila odgovarajući Zapisnik u kojem je utvrđeno sljedeće: da su blagovremeno zaprimljene tri (3) ponude u određenom krajnjem roku za LOT 1, i to ponude ponuđača: TRANZIT ELEKTRO d.o.o. Zenica, KMS d.o.o. i GRAFIKON d.o.o.; da nije bilo neblagovremenih ponuda; da prilikom računске kontrole u skladu sa članom 17. Uputstva za pripremu modela tenderske dokumentacije i ponuda, u zaprimljenoj ponudi ponuđača GRAFIKON d.o.o. su utvrđene računске greške u Obrascu za cijenu ponude (Anex II). Dana 22.09.2023. godine Komisija Ugovornog organa je ponuđaču GRAFIKON d.o.o. uputila zahtjev za ispravku računске greške sa novim, korigovanim Obrascem za cijenu ponude – Aneks II, na koji zahtjev je ponuđač GRAFIKON d.o.o., u ostavljenom roku, dana 25.09.2023. godine u 10:17h mail-om dostavio saglasnost na ispravku računске greške; da u ponudi nisu vršene ispravke; da je zaprimljena ponuda ponuđača KMS d.o.o. prihvatljiva u formalno-pravnom, ekonomskom i tehničkom smislu i da ispunjava postavljene zahtjeve Ugovornog organa definisane tenderskom dokumentacijom, te je navedenom ponuđaču dozvoljeno dalje učešće u postupku javne nabavke, da je zaprimljena ponuda ponuđača GRAFIKON d.o.o. prihvatljiva u formalno-pravnom, ekonomskom i tehničkom smislu i da ispunjava postavljene zahtjeve Ugovornog organa definisane tenderskom dokumentacijom, te je navedenom ponuđaču dozvoljeno dalje učešće u postupku javne nabavke, da zaprimljena ponuda ponuđača TRANZIT ELEKTRO d.o.o. Zenica ne ispunjava postavljene zahtjeve Ugovornog organa definisane tenderskom dokumentacijom, te da navedenom ponuđaču nije dozvoljeno dalje učešće u postupku javne nabavke.

Detaljnim pregledom ponude ponuđača TRANZIT ELEKTRO d.o.o. Zenica, Komisija ugovornog organa je konstatovala sljedeće:

Ugovorni organ je tačkom 5.2. tenderske dokumentacije propisao sljedeće: „*Ponuđač je obavezan u ponudi dostaviti: Izjavu ponuđača da će, ukoliko njegova ponuda bude odabrana kao najpovoljnija, dostaviti, u roku od 15 (petnaest) dana od dana zaključivanja/obostranog potpisivanja ugovora, garanciju za uredno izvršenje ugovora u obliku bezuslovne bankarske garancije u iznosu od 10% od ukupne vrijednosti ugovora, sa rokom važnosti: rok važenja ugovora + 30 (trideset) dana. Izjava se dostavlja u izvorniku i mora biti ovjerena pečatom i potpisana od strane ovlaštene osobe privrednog subjekta.*“ Nadalje, tačkom 4.1 tenderske dokumentacije navedeno je sljedeće: „*Ponuda treba sadržavati sljedeće dokumente: ... j) Izjava o dostavi garancije za uredno izvršenje ugovora, kako je traženo tenderskom dokumentacijom (za svaki LOT posebno);*“

Ponuđač TRANZIT ELEKTRO d.o.o. Zenica nije u ponudi dostavio Izjavu o dostavi bankarske garancije za uredno izvršenje ugovora, te je na taj način postupio suprotno zahtjevu ugovornog organa iz tačke 5.2. i tačke 4.1. tenderske dokumentacije.

Tačkom 4.5. tenderske dokumentacije propisano je sljedeće: „*Obrazac za cijenu ponude koji je dat kao Prilog ove tenderske dokumentacije priprema se u skladu sa zahtjevima iz tenderske dokumentacije i čini sastavni dio tenderske dokumentacije i ponude ponuđača. Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.*“



Ponuđač TRANZIT ELEKTRO d.o.o. Zenica nije u cijelosti popunio Obrazac za cijenu ponude (Aneks II), odnosno nije upisao jediničnu cijenu bez PDV-a za stavku pod rednim brojem 77., te je na taj način postupio suprotno zahtjevu ugovornog organa iz tačke 4.5. tenderske dokumentacije.

Ponuđač TRANZIT ELEKTRO d.o.o. Zenica je dostavio nepravilno popunjenu Izjavu o ispunjenosti uvjeta iz člana. 45., 47. i 52. Zakona. Na mjestu gdje se navodi broj obavještenja o javnoj nabavci ponuđač je upisao pogrešan broj obavještenja o nabavci. Forma Izjava o ispunjenosti uvjeta iz člana. 45., 47. i 52. Zakona je objavljena u Uputstvu za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i ista predstavlja podzakonski akt koji su ponuđači dužni koristiti prilikom pripreme ponuda za konkretan postupak javne nabavke. Navedene Izjave sadrže elemente koji se odnose na broj obavještenja o javnoj nabavci i broj „Službenog glasnika BiH“ u kojem je to obavještenje objavljeno, a koje su ponuđači dužni da ispune. Osnovna svrha upisa navedenih podataka je da se identifikuje konkretni postupak na koji se izjava odnosi.

Članom 68. stav (4) tačka i) Zakona o javnim nabavkama propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije.

U skladu sa odredbama člana 2. stav (1) Zakona o javnim nabavkama ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti: 1) prihvatljiva- koju je podnio ponuđač koji nije bio isključen u skladu sa članom 45. ovog zakona i koji ispunjava kriterije za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva; 2) neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta; 3) nepravilna - koja nije u skladu sa tenderskom dokumentacijom ili je primljena izvan roka za dostavu ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Slijedom prethodno navedenog, Komisija je jednoglasno zauzela stav da se ponuda ponuđača TRANZIT ELEKTRO d.o.o. Zenica, u skladu sa članom 2. stav (1) tačka l) alineja 3) Zakona o javnim nabavkama („Službeni glasnik BiH“, broj 39/14 i br. 59/22), odbaci kao nepravilna.

Tenderskom dokumentacijom u tački 4.13 predviđeno je provođenje e-aukcije, te je Komisija u skladu sa članom člana 64. stav (1) tačka b) Zakona o javnim nabavkama („Službeni Glasnik BiH“ br. 39/14 i br. 59/22), odnosno primjenom kriterija „najniža cijena“ i Pravilnika o uslovima i načinu korištenja e-aukcije („Službeni glasnik BiH“, br. 66/16), utvrdila početnu rang listu ponuđača, te u sistem e-nabavke unijela sve prihvatljive ponude, kako slijedi:

Naziv/ime ponuđača	Početna cijena u KM bez PDV-a
GRAFIKON d.o.o.	33.162,80
KMS d.o.o.	33.330,00

E-aukcija je uspješno završena dana 27.09.2023. godine u 13:14:00h, nakon čega je Izvještajem o toku i završetku e-aukcije, koji je preuzet iz sistema e-nabavke, Komisija Ugovornog organa rangirala ponude, kako slijedi:



Red. broj	Naziv/ime ponuđača	Konačna cijena u KM bez PDV-a	Procenat umanjenja ukupne ponuđene cijene nakon završene e-aukcije	Rang
1.	GRAFIKON d.o.o.	32.520,00	1,94%**	1
2.	KMS d.o.o.	32.555,00	2,33%**	2

Nakon provedene e-aukcije, ponuda ponuđača: GRAFIKON d.o.o. osvojila je prvu poziciju na rang listi u predmetnom postupku javne nabavke.

U skladu sa rezultatima evaluacije ponuda i provedene e-aukcije, Komisija za nabavku je na osnovu ukupne ocjene ponuda po kriteriju najniža cijena, predložila izbor ponuđača: GRAFIKON d.o.o. Sarajevo za najpovoljnijeg ponuđača, sa iznosom ponude od 32.520,00 KM bez PDV-a, odnosno 38.048,40 KM sa PDV-om

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom i internim aktima.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema ove Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

JP „LOKOM“ d.o.o. Sarajevo

Direktor

  
Adnan Šabanović

Dostavljeno:

1. Ponuđačima,
2. Službena stranica Preduzeća,
3. Komisiji za javne nabavke,
4. a/a.